

## Skryf 'n dagboekinskrywing

'n **Dagboekinskrywing** is 'n informele, maar private en dag vir dag weergawe van gebeure in jou lewe. Dit is dikwels aantekeninge van ervarings of gevoelens wat 'n mens nie wil vergeet nie. Die korrekte formaat is soos volg:

- Die datum word bo, net regs van die middel geskryf. Jy gebruik geen adres nie.
- Daar hoef nie met **Liewe Dagboek** begin te word nie. Jy groet jou dagboek net soos in 'n vriendskaplike brief.
- Skryf altyd in die eerste persoon (ek).
- Skryf in die verlede tyd oor dinge wat in die verlede tyd plaasgevind het.
- Gebruik woorde soos **vandag**, **gister** en **môre**.
- Gebruik leestekens en hoofletters om oortuigend te skryf.
- Vrae en wense is 'n goeie manier om gevoelens oor te dra.
- Noem familie en vriende op hul name.
- Sluit af met jou naam of met 'n groet; net soos in 'n vriendskaplike brief.



### Wenke

- Die dag en datum word bo-aan geskryf.
- Dagboek-inskrywings word soos 'n opstel in paragrawe geskryf.
- Gevoelens wat jy ondervind terwyl jy jou dagboek-inskrywing doen, kan in die teenwoordige tyd geskryf word.



### Ken die woorde

ervarings – experiences  
gegryp – grabbed  
gesteel – stole  
gevoelens – feelings  
leestekens – punctuation  
moeilikheid – trouble  
onderwysers – teachers  
oortuigend – convincing  
plaasgevind – happened  
sokkie – social  
uit my kop – off by heart  
vergeet – forget  
wense – wishes

1. Jy het gesien dat jou vriend iets gedoen het wat hom in groot moeilikheid kan laat beland. Voltooi die dagboekinskrywing waarin jy jou gevoelens en idees neerskryf. Gebruik die woordelys om jou te help met idees.

gesteel	snoepwinkel	geld	toets	eksamen	gegryp	gekrap
afgekyk	weggehardloop	ingebreek	graffiti	gespuit	geslaan	

21 Mei 20\_\_

Ag Dagboek!

Ek voel so verskriklik! Ek weet nie wat om te doen nie en het geen raad nie. Help my asseblief! Vanoggend by die skool het ek iets gesien wat in my kop bly. Joseph het iets gedoen wat baie sleg en lelik is. Hy is my vriend vandat ons klein was en ek weet nie of ek vir my ouers of onderwysers moet vertel nie.

Dis wat ek gesien het:

---

---

---

---

---

---

---

---

## Skryf 'n artikel en 'n onderhoud

In 'n **artikel**, wat gewoonlik vir 'n tydskrif geskryf word, behoort realistiese en belangrike inligting oor 'n onderwerp gegee te word. Die inligting behoort nagevors te word en interessant genoeg te wees om die leser se aandag te trek. As die artikel oor 'n bekende persoon geskryf word, kan dit in die vorm van 'n **onderhoud** geskryf word. Direkte vrae en antwoorde kan soms gegee word, maar die gesprek word eerder beskryf as om die direkte woorde te gee.

1. Lees die artikel oor Soweto en skryf dan 'n soortgelyke artikel oor jou eie stad of dorp.

### SOWETO

Soweto se naam kom van die oorspronklike South Western Township. Soweto is 'n simbool van die nuwe Suid-Afrika. Dit is vasgevang tussen ellende van plakkershuisies en nuwe rykdom en voorspoed. Daar is 'n lewendige, optimistiese leefstyl teen die agtergrond van 'n onderdrukte en hartseer verlede. Soweto wys wat moontlik is in Suid-Afrika.

Soweto het 3 miljoen inwoners wat 13 verskillende tale praat. Daar is 50 voorstede, meer as 350 skole en die grootste hospitaal in die Suidelike Halfrond. Soweto het ook Suid-Afrika se grootste taxi-staanplek. In Soweto werk almal saam en, alhoewel die werkloosheidsyfer hoog is, probeer mense mekaar help. Daar is baie entrepreneurs wat hul eie besighede begin het en werk aan ander verskaf.



#### Ken die woorde

agtergrond – *background*  
bepaalde – *specific*  
ellende – *misery*  
hartseer – *sad*  
inwoners – *inhabitants*  
lewendige – *lively*  
moontlik – *possible*  
onderdrukte – *repressed*  
oorspronklike – *original*  
plakkershuisies – *shacks*  
rykdom – *wealth*  
Suidelike Halfrond – *Southern Hemisphere*  
tussen – *between*  
vasgevang – *caught*  
verlede – *past*  
verskaf – *provide*  
voorspoed – *prosperity*  
voorstede – *suburbs*  
werkloosheidsyfer – *unemployment rate*



#### Wenke

- Belangrike inligting moet eerste gegee word.
- Die taalgebruik moet eenvoudig en verstaanbaar wees.
- Die inligting moet op feite gebaseer wees.